



Peqqissaanermi ikiortitit ilinniagaqarsimanerup pinngitsoorani peqqissaasutut ilinniaqqinnissamut aqquataaleqqullugu peqqissaasutut ilinniartitaanerup aqqissuussaanerani pisariaqartunik allanngortitsinissamik sulissutiginneqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Anna Wangenheim, Demokraatit)

Anna Wangenheim-ip siunnersuutaanut Peqqissaanermi ikiortitit ilinniagaqarsimanerup pinngitsoorani peqqissaasutut ilinniaqqinnissamut aqquataaleqqullugu peqqissaasutut ilinniartitaanerup aqqissuussaanerani pisariaqartunik allanngortitsinissamik sulissutiginneqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut Naleqqamiit imaattumik oqaaseqarfigissavarput.

Peqqissaanermi ikiortimiit Peqqissaasutut ilinniaqqissinnaanissamut naleqqussarniarnera naleqqamiit tigulluarparput tulluartsuusaarmi peqqissaanermik ikiortepassuit qaffasinnerusumut pisariinnerusumik ikaarsaarsinnaalernissaat ataatsimoorukkutsigu.

Ukiuni kingullerni peqqinnissaqarnikkut ilungersunarluinnartumik Naalackersuisut nassueruteqarnerat Naleqqamiit paasinnittumik tiguarput taamaattorli ullumikkut ilinniarfittut tigussagipput alloriarlutalu pitsaanerusumik patajaannerusumillu siunissaq isigalugu.

Naleqqamiit pingaartipparputtaaq nunaqavissut peqqissaanermi ikiortepassuit oqaatsitik kisiisa atorlugit sullissisut assaallu piginnaasaqarluarluatik ingerlalluartut taamaattorli qallunaatoorsinnaannginnertik peqqutiginnarlugu alloriaqqinneq ajulertartut aqqiivigineqarnissaat Naleqqamiit naleqqusnaanikkut suleriaqqinnissarput avaqqussinnaanngikkipput, angerlarsimaffik qimanngikkaluarlugu ilinniaqqinnissaat maanna periarfissaq atorluarlugu politikikkut pimoorussinissarput piffissanngorpoq.

Piffiit ilaanni peqqinnissaqarfinni kiisalu isorliunerusuni assassaaleqisarneq takornartaajunnaarnikuuvoq, Naleqqamiit upperaarput Nunatsinni ilisimaaraarput peqqissaanermi ikiortit amerlasuut piginnaasaqarluartuusut atorluarnerusinnaasavut.

Nunarput isorartoqaaq piffiit ilaanni innuttaasorpasuit tassanngaannartumik nappaammik eqqugaasinnaasarnerat soorluuna akulikkiartuinnavissoq, tassanngaannartumik inuk napparsimaleriataarsinnaasarnernanut pinasuurtumik iliuuseqarsinnaaneq killeqaleraluttuinnaarput ukiuni kingullerni nalaattakkavut taamaalerasaartarput qinikkatullu iliuusissaaleqinarsinnaasarnera erloqinartuulluni ingammik peqqinnissaqarnikkut qullasinnerpaat attavigeriaannaasarnagit.

Siunnersuut imaattoq naleqqamiit tigulluarparput upperilluinnarparputtaaq peqqinnissaqarfiup iluani ilinniagaqassutsikkullu patajaannerusumik aqqiineramik alloriarfiussasoq.



Naleraq

Naalakkersuisut siunnersuummut tapersiinerat siunnersuuteqartoq taamatuttaaq naleqqamiit taperserparput.

Ataatsimiititaliamut susassaqartumut Ilaqutariinnermut Peqqissutsimullu Ataatsimiititaliami suliarineqaqqinnissaa siunertaralugu ingerlateqqinnissaa innersuussutigaarput.